

LA  
**VECCHIA**  
**SORDA**  
**COMMEDIA**  
DE LO SEGNORE  
**BERNARDO SADDUMENE**

Da rappresentarse a lo Tiatro de li Sciores-  
tine, 'nchisto Autunno de lo 1725:

---

DEDICATA  
*A l' Accellentissimo Signore*  
**CONTE**  
**ALBERTO**

Degnissimo Nepote de Sò Amenezia llo SI  
Cardenale d'Althan, Vicerre, e Cape-  
nejo Generale 'nchisto Regno de  
Napole.

*Biblioteca del Principe Sabauda.*

*Roma.*  *1804.*

*per li*



**A NAPOLE MDCCXXV.**

*Co Lecienza de li Soperiure.*

*Libille che recetano*

*Songo.*

**JACOVANIELLO** Viecchio, malato nna-  
genaro nnammorato de Cecella.

**DIANORA**, Giovane schie rchia nepote  
foja.

**CELIO**, Giovane squarcione.

*La Signora Laura Burghese.*

**RINA** fegliola allegra, figlia da Viola.

*La Signora Poleta Costi.*

**VIOLA** Vecchia, che non troppo nce sente.

*Lo Signore D. Semone de Farco.*

**ORAZIO**, nnammorato de Rina.

*La Signora Laura Cesarini.*

**CECELLA**, Nepotella de Viola.

*La Signora Antonia Cermenati.*

**TURZO**, ommo ordenario, che serve lo

Viecchio, nnammorato de Cecella.

*Lo Signore Giovanne Romaniello.*

*La Scena è Napole.*

Musica de lo Signore Riccardo Bros-  
chi, ditto Fariniello.

*Ec-*

**C**onforme l'offerire a V.E. sta  
piccola bagattella, è n'atto  
proprio, e dell'obbreco, che  
nne tengo, e de lo desede-  
rio de mettermi co' simmele occasione  
a piede Vuoste; Accossi borria, che la  
mmedesima pe essere a lo mmanco na  
mmenzejone nova, ncontraffe n parte  
co lo genio de V.Ecc. perche de chesta  
manera, vuje mme perdonari issevo l'  
ardemiento de metterla sotto a la pro-  
tezzione vostra, e io mme darria cchiù  
anemo de supplicareve a benirla a  
sentire: spero addonca de potè godere  
sta Fortuna, e che la magnanemetà de  
V.E. se degnarrà, che io pozza sequita-  
re a confermareme sempe co tutta la  
possibele venerazione.

De V.E.

A chi hà golio de Leggere.

**C**Orè mio bello : veccote sta Bur-  
letta che mme pare propia pe  
la stagione d'Autunno, perche è alle-  
gra , chiara , corta , e lasca de ntrico;  
lo quale consiste a chello, che pò succe-  
dere da la matina de notte nfi a la  
sera, a quatto femmene , e quatt' uom-  
mene de n'umore stravagante , li qua-  
le abbetano tutte a na mmedesema  
strata : Li carattere de li perzunagge  
è cierto ca sò nuove pe lo Teatro a ddo  
s' b' da recetare ; la mmenzione mme  
pare che sia graziosa e moderna : Lieg-  
gela ; e si te pejace vienela a sentire,  
ca nc' avarraggio gusto io , e tù ; si  
non te gusta , lassala ire , ca non  
avarraje desgusto nè tù , nè io , e  
stammete buono.

# ATTO PRIMMO

SCENA I.

Notte.

*Celio solo de notte cò lanterna.*

**P**E quanto vao vedenno,  
Stà nietto lo paese;  
Stutammo: Io no la ntenno:  
Io mò, che rosecare  
Faccio a tutte la rezza,  
Vao speruto pè chesta, che mme sprezza!  
Ella m' hâ fatto ccà venì à ches' ora;  
Dammo lo signo ah ah (fisco)  
Nce vorria stammatina,  
Che sentenno sto fisco  
Ncagno de Nora, s' affacciasse Rina;

Duorm' e reposa,  
Vocc' ammorosa,  
E mente faje  
La nonnarella,  
Fata mia bella,  
Nzoniate à mimè;

Ah, tu te staje  
Arrepofanno  
Dinto a sò lietto;  
Io tutt' affanno  
N' aggio arrecietto  
Morò pè Tè.

SCENA II.

*Oratio, e Celio.*

**Ora.** **L**O cammenà de notte  
Senza lanterna e guaje:  
Ches' è ll' ora appontata  
De parlà cò sta fata; Via fescammo: (fisco)

**Cel.** O tè! Veccote Rina:  
Nò ll' aggio ditto io  
Cà chesta responnevara la bon' ora  
Responnimmo (Or. fisco, e Celio se crede sia No;

A T T O

Or. Ghi fisea? fosse Nora!

Cel. Io mò mme fegno Oratio.

Or. Io mò Celio mme fegno.

Cel. Ah ah, che bello ntrico,

Or. a 2. Mò scòmoglio le mbroglie de l'ammico

Cel. Camminano chiano chiano Celio verso la casa de Rina, e Oratio verso la casa de Nora.

Cel. Pare, che senta cammenà!

Or. Chi è lloco? Cel. Chi è lloco?

Or. (E' Celio)

Cel. (E' Oratio) a 2. A Nuje fegnimmo.

Or. Ch'è stato? nò respunne?

Cel. Và bene mio, vò pè li fatte tuoje

Or. Vaa Ufforia, caj ccà sto buono.

Cel. E chello.

Lo potimmo vedere co la janca

Or. Sò lèsto Cel. A nuje

a 2. Ccà nee sarrà na chianca

### S C E N A III.

*Nora da la fenesta Rina da la soja. Jacob' Aniel-  
lo. Turzo mezzo spogliato. Viola co la  
cannela mamano, Cecella,  
e li stiffe.*

Nor. **U**H! Jancamene! curre, curre Zio  
Chiamma cchiù gente, chiamma.

Rin. Che d'è st' aggrisso? Curre curre Mamma  
Ca s' accidono lloco. (trase)

Jac. Jate chiano no poco!

Or. Jo la voglio scompì.

Jac. Sparte bonora (à Turzo)

Tur. A mmane? e non fe sò scannate ancora!

Viol. Ih fì Celio! Si Aratio!

Cel. Simmo state scopierite.

Or. No mporta jammioncenne a n' autà parte.

Viol. Tutto chello soecede pè nepoteta

Jac.

*Jac.* Che baje cercano de senti quà lotano?

*Viol.* Oje maro muorto, Piespece,  
Si non aje meglio termene  
Te vatto.

*Jac.* Schiaffame sta sacce a Napole  
Vide che lotano!

Che brutt' arpia  
Che secutorio de Vecaria,  
Ch' aloja pateca  
Che smorfia; Sciù;  
Vattenn' a cancaro  
Facce proibbeta,  
Ca si na gliannola  
Non sierve chñ.

## S C E N A IV.

*Viola, Turzo, e Cecella.*

*Viol.* **C**He te nne pare de ss' arenga frateca?

*Cec.* **C**He nee vuò fare? aggiatence pacièzeja

*Viol.* A mmè smorfia! à mme lotano!

A mme; che si mme voglio mmaretare  
Aggio ciente pagliette, che mme vonno;

*Dur.* E pe despietto sujo,  
Pigliate nò milordo co lo Donno.

*Viol.* Che Donno? si pazzo?  
Li Donne mò vanno  
Quattuordec' à mazzo;

E turte Don Cuorno  
Se fanno chiammà.

Nehe un' è arrevato

A mettersè sotto  
No pò de broccato;  
Don Cuorno, de botta  
Chiammare se fà.

## S C E N A V.

*Turzo, e Cecella.*

*Tur.* **E** Di cà n'è lo vero.

*Cec.* **E** lo vecchio, pe chello pò de friddo  
Nce chiammarrà collegio.

**Tur.** nò nne di male sà .

**Cec.** Comm'è nzoistuso !

Mme fà venì li flate .

**Tur.** Tutte songo , accossì li nnamorate .

**Cec.** Quanno sò giovenotte

Se ponno sopportare ,

Ma quanno songo vecchie

Te fanno venì voglia de jettare .

**Tur.** Ceccia chi sà , de me che nne derraje ?

**Cec.** Eh che nne voglio dì ? tu già lo faje ,

Dico ca tu si chillo

Che mm'aje d'addecrejà .

Ca si lo speretillo

De fio core .

St'arma vorria soccurzo ,

E impietto sà che fà ?

Sospira ; ca vò Turzo

A tutte ll'ore .

*(trase)*

**Tur.** E speretillo , e Core

Cecella mia vò Turzo a tutte ll'ore .

*(trase)*

## S C E N A VI.

*Celio , e Rina .*

**Celi.** **O** H!vecco ch'è sta, che pe mme n'abbenta.

**Rin.** **O** Celio ?

**Cel.** Addio fegliola.

**Rin.** Comm'è ghiuta la cosa ?

**Cel.** Ah , ah , ah , ah comme si coreosa

Comme voleva ire ?

Mme s'è nnant'a li pied'addenocchiato ,

E la vita pè grazeja m'hà cercato .

**Rin.** Bù . Tu mò già accommienze

A scartare le solete fannonie .

**Cel.** Che ? Che ? nce songo ciento testemmonie ;

E nfrà l'aute na certa forastera

Che stev'a la fenesta ,

Nche lo vedde mpericolo

Strellaje ; Signor t'arresta ,

*Per*



Per me lo facei .

*Rin.* Comme si redicolo !

*Cel.* Or' io ch'avea da dire

A na Dama , ( e non brutta ) che te prega ?

*Rin.* E mbe , che respondiste ?

*Cel.* A tal'intercessor nulla si niega .

*Rin.* Ah ah ah ah che peffa !

*Cel.* ( Oh veramente , e troppo grossa chessa )

Ma niente .

*Rin.* Va dicenno .

## S G E N A VII.

*Nora , e li stiffe .*

**C** Hillo n'è Celio ? è isso , oh manco male ,  
Cò mmico fà de lo ncappato , e parla  
Cò Rina ! mò vedimmo  
Si e pazzo isso , ò io .

*Rin.* ( Uh Nora )

*Cel.* Che d'è chesso ?

*Nor.* Ah Signor mio ;

Quanno se parla edè la nnammorata

Se stà cò lo cappiello

Mmano , accòisi ; vi mò pare chiù bello ?

Deve lo nnammorato

Ummele e rispettuoso

Servi chi l'hà ncappato ;

Ca chist'è l'ultem'uso

Cossi se dev' amma .

Ma quann'è mpertendente

Quanno non hà crejanza ?

Si prega , non fà niente ,

Si chiaagne non s'avanza ,

Si spenne, peo fà .

*Cel.* Chiano , chià sia Milorda

Non niente ?

*Nor.* E che sò sorda .

*Rin.* Parla cò mmico mò .

*Nor.* Sì , yi che bole

Ssà bella facee : *Rin.* Nora

Vuò sentì doje scarole ?

Saje si aggio pile a lengua .

*Nor.* A mmè , veccolo ccà , vuogliete bene .

*Cel.* (Mò tutte doje se scannano pe mmene .)

*Rin.* Vuogliete bene tù a sò squarcionciello .

Vi che bellezze cosa !

*Nor.* Facce de trevelleffa .

*Rin.* Presentosa .

*Cel.* Via , Rina mia cojatate , ca Nora

Già ll'aggio destenata

Pè favorita mia .

*Nor.* Quant' onore può avè tu schefenzuso

De stare ananze a Nora .

*Cel.* Ah , ah : bravissimo ; e tu Rina ?

*Rin.* Mmidejo la sciorte , ch'ave stà Signora

Pè tutta stà chiazza

Se dice accossì .

Lo schirchio , e la pazza

Veditele ccà .

Lo schirchio è Ufforia ,

La pazza si tù .

Che bella Signora !

Che bel Cavaliero !

Che incanto ! e sia vero !

Sior Celio , Sià Nora

Sposatevi sù .

S G E N A V I .

*Nora , Celio , e pè Viola Sorda :*

*Cel.* **V** I quanto sento pè l'ammore tujo .  
Pè mmene ? pigliatella co le stelle ,

Che bonno , che le femmene

Patefcano pè mme tanta flagielle .

*Nor.* Ah , ah , ah , commo si particolare !

*Via.* Che d'è ? ch'avite fatto a Rina mia

Sià Donna Quinzoa , Si Milordo sfatto ?

*Cel.* Mò revota stà chiazza .

*Via.* Comme come ? chi è pazza ?

*Cel.* Oh ca tu nò nce sente.

*Vie.* Io no nce sento?

*Nor.* Non hà mal' aorecchia.

*Vio.* E si sò mala vecchia.

Songo meglio de tè

*Cel.* ( Vì che bonora )

*Vio.* E si songo mmalora,

Vscia da me che bole?

*Cel.* Chesta porzì com'mico

Sarrà ncappata; e devertì sè volo.

*Nor.* Laffamenne trasire

Ca chesta oierio me farrà mpazzire.

*Vio.* E tu n'atto addò vaje?

*Cel.* E che so pazzo.

A stare ccà co' ttico, quanno tengo

Ghi m'aspetta, che bale

Vinte doppie lo muorzo, mo mò vengo.

*Vio.* A rottura de cuollo: che creanza!

## S C E N A VII.

*Turzo, e Viola.*

*Tur.* **E** sia speranza, e bella ( Ecco Viola.  
Tettammo sta scarola )

E sia speranza, e bella

Quanno si becchia grattate li zelli.

*Vio.* Che bà facenno st'auto malei uomo?

Che baie vennenno nè?

*Tur.* Iammo vennenno.

Caccate, e Sarabanne;

*Vio.* Iate vennenno caccate, e malanne:

Negra me ccà a stà casa

Vuie site tutte pazze.

*Tur.* E beretate,

Ma levane li pazze da sto munno,

E bide chi nce resta.

*Vio.* Comme?

*Tur.* Mne sò strozzato pe' strellare.)

*Vio.* Tè st'inzorato, e buò abballate? bravo.

*Tur.* Vide addò t'iscutai ma servimmoncenne.

Dell'accasione) sient'a mme: Cecella.

La vogl'io pe moglie

*Vio.* Che nne vuò fare, e troppo peccerella.

*Tur* E la moglie

Na lattuchella

Che tennerella

S'hà da cardà

N' hà da passà

Li quinnec' anne

Si vuò ngrassare

Si vuò scialà.

### S C E N A VIII.

*Celio Nora, e Viola.*

*Vio.* **A** Ncora stace ccà sta sorda

Quant' hà saputo dire.

*Nor.* E chisto sempe ccà torn' a benire.

*Tio.* Siate li ben tornate

Se vede ccà ne' passio nfra de vuie.

*Celio* A lo commanno nuovo.

*Vio* Eh figlio, siente a mme; si faie l'ammorè

Starraje senz'acqua: perche mò ncappate

Sò schitto li milorde arroienate

Mò chi hà denare

Non fa l'ammorè

Chi fa l'Ammore;

Non vò sbenà!

Povere femmene nn' aggio piatà.

Figlia procura

De non ncappare;

Ca ne' è arzura

Pe lo paese,

Che no torpèsc, s'hà da stentà.

### S C E N A IX.

*Nora, e Celio.*

*Cel.* **S**iente st'anta refosa, è pazzu  
N'è niente è becchia, e nconsequenza  
Ma dammo a nuje; de me che tanta, e tanta  
Ne

Ne faccio pantecare, e tu lo faie.

Comme non aie piatà.

Nor. Che passe guaie?

Cel. S'io dormo, o s'io scetato.

Sempe sò tormentato.

Nor. Quarche delitto aie fatto.

Cel. (Vide ch'asciuta) dimme nn'aie piatate?

Nor. E tu di; s'li trommiente

Che pate, è corda, o sò fonecellate?

Cel. Ah tu te spasse; e a mmene

Poco me sò li ghiuorne.

Nor. Che te vonno fa fà lo papariello?

Cel. E puro! s'io pe stè dint' a lo fuoco

Nor. E campe! Celio mio tu sì d'acciaro.

Cel. Oh Dio! non m'abburlare a lo mmacaro?

Sospira nott'e ghiuorno

Attuorno

Lo sciorillo

Lo bello venteciello

E s'addecreia.

Llà canta no cardillo

Ecà sauta n'aut' auciello;

E schitto Celio è chillo

Che pecceja.

S C E N A X.

Nora, & Grazio.

Nor. **O** chiagne Oratio mio . . . ?

Or. Perche?

Nor. Nò, chiagne.

Or. O Dio . . . .

Nor. Chiagnete l'ossa maste fuss'acciso!

Or. Perche?

Nor. Ca Celio, n'fra duje juorne è mpiso;

E tu fartaje lo mio.

Or. Dice da vero, o abburle?

Nor. Orsù viene sta sera

Da la vanna dell'uorto

Viergo cinto, e se j'ora

Ca vedarraje, se te vò bene Nora.

Or. Buono, e dapò che fimmo llà arrevate?

Nor. Mme chiammo li garzune

E te faccio contà ciento mazzate.

Or. Obbreccato a Vissoria.

Nor. Tutte li Nnamorate

Sopportano quaccosa

E tu non vùò soffrì sta bagattella?

Or. Bagattella!

Nor. Securo:

Che t'aggio ditto fuorze.

Che spennisse pe mme ciente decate?

Or. Chesto non farria niente.

Nor. Nò nò, ca nce sò ciente

Che primma de caccia ciente docate

P'avè na sfazione,

Se farriano contà ciento mazzate.

Or. Ah, ah, ah, ah.

Nor. Tu ride, e pur'è bero

Ca chesta è na fenezza, che te faccio?

Or. Và, fall'a quaccun'auto sta fenezza.

Nor. Ma lo core mme dice; falla à Orazio.

Nor. E io te ne rengrazio.

Oh s' affacciasse Rina)

Nor. Nce viene?

Or. E puro! siente io tengo, e tengo

Ma pò scappo, e . . . Nor. Nce viene?

Or. (Oh! diavchence) fine sì nce sì vengo.

## S C E N A XI.

*Rina, e li stiffe.*

Nor. **A** sej'ora de notte  
Dint' all'uorto t'aspetto.

Rin. (Bravo)

Nor. (Comm'è pastore!

Or. Và mò

Nor. Mme faje zom pà lo core impietto;

(Rina mme stà a sentire

La vogliu fà de gelosa morire)

**V**ola la Rennenella

Da chessa a chella

Chianta,

Quanno

Aspettanno

Stà

Chi la conzola,

E mente vola, e canta.

Pare che dico, o Dio!

Dov'è lo bello mio?

Pecche non vene ccà

Mò che stò sola?

**Or.** Ah, ah, ah, ah. . . . O Rina?

**Rin.** Che commanne?

Io non aggio tenuto maje li panne

A chi vace a natate. Oh li fi Quinzio!

Sà quanta coffejate

Nn'aggio de pare tuoje?

Và và, ca sà seignora

T'aspetta alle sej' ora; stanc'accuorto.

**Or.** No siente . . . .

**Rin.** Non parlà

**Or:** Sacce ch'all'uorto . . . .

**Rin.** Che uorto, che bigna?

Non serve, n'accorre,

Ca Rina è segliola

Che sà ca li puorre

Non songo cetrola,

Và sierve ssa seigna

Và sbrigate mò.

Và, curre fà prieto

Và, trovate lesto;

Da me, che nne vuò?

## S C E N A XI.

*Orazio, e Jacopo-Aniello.*

**Or.** **V** lde sta pazza, quanto mal'hà fatto

**Jac.** Comme mme sento sfatto! . . .

Oh

Oh a tiempo te ; si Arazio mio stò male?

Or. (Hanno dato a rentennere

A chisto cà sò mi edeco )

E mbè , che buo ?

Jac. Stò male !

Or. E tu vattenne a lo spetale . *nsadato*

Jac. Stò friddo de sta notte mm'ave acciso !

Ma dimme , n'è restato

Nulllo de vuje affiso ?

Or. Chi hà buscato, hà buscato

Ma nepoteta . Sienteme . . . . .

Jac. Bonora !

Io mme sente crhià friddo de la neve !

Or. Ma Nepoteta . . . . .

Jac. Vide s'aggio freve. *le proje lo puao*

Or. Nepoteta . . . . .

Jac. Mme pare cà stò mmale.

*se tocca la capo, e lo stemmaco.*

Or. ( Jammo a l'umore sujo ) uscia stà tristo

Jac. Stò tristo? oh sfortunato Jacov' Aniello !

Or. ( Avimmo fatto peo )

Jac. Nò nc' è remmedcio ?

Or: Siente , Nepot . . . . .

Jac. Mò famme na ricetta

Or. Io Nepoteta dico . Jac. Ordena pinole

Nchiafte , Unziune , Canterie . . . . .

Or. Mo mmò . Ma si Nepoteta

Jac. Oh mmalora !

Or. E pazza . . . . .

Giac. Che le vaano ciente cancare

A effa , e quanta pazze ,

Nce songo all'encurabile :

Mme stà p'ascì lo spirito

E tu mme vuò zucare, e tu mme rufecche ?

Or. Ah, ah, ah, ah, ah abbesognante ridere

N' aje niente, aggio abburcato

Jac. Abburcato, ò m' abburle ?

Or. Stajo buono, via ,

Jac. De



Jac. De freve stonga nietto Or. tocca lo pozzo  
Or. Gnorsì (a Jac.)

Jac. N'aggio da stà nient' a lo lietto?

Or. Gnornò ; non dubetare

Jac. Oh ! bene mio, m'aje fatto speretare !

Or. Siente, Si Jacov' Aniello.

Se sape cà Nepoteta ;

Stave jocato già lo cellevriello ,

Ma si nò la fornescè ssà verruta , . . . .

Jac. Chiano cò ssà verruta, Signor mio ,

Or. La voglio fà vedere chi song' io

Si a lo chiuppo la vita

Stà unita,

E lo viento gagliardo le sbatte ;

Quanto cchiù pe spartirle commatte

Tanto cchiù le fà unir'e abbraccià

Accossì stongo io cò stò sole ;

E si Nora spartire nce vole

Cò cchiù ammore gaudè nce farria.

## SCENA XII.

Turzo , e Jacov' Aniello.

Tur. **P** Atrò chedè? grà strille aggio sentuto?

Jac. **N** è niète, e lo si Arazio ch'è impazzuto.

Tur. Puro? Ched'è l'annata de li pazze :

La sia Dianora non se sà , che dice .

Tu non se sà ched'aje ,

Lo Sio Celio pretenne

D'effere lo martiello de le femmene ;

E nuje jarrimmo tutte all' incurabile

Jac. Ah, ah, ah, ah .

## SCENA XIII.

Ceccia , e li stiffe .

Cec. **C** Hedè sta rifa ?

Jac. **O**h Ceccia ; Ceccia mia

Schiecco, bellezza, spirito, giojello

De Jacov' Aniello ; core de sto pietto . . . .

Tur. (Via dalle cò no poco de spaffetto) a Cec.

Cec. ( Mo ) comme ve sentite ?

Jac. Mus-

Jac. Muffo d'oro,

Quanno veo sò vocchillo

Mme sento echìu robbuglio de no tore.

Cec. Donga ve stongo ngrazeja?

Jac. Ngrazeia! fatte no cunto

Ca stò sciato mme sazeia;

Mme sana; e si mbè stessè pè morire

Mme fà na . . . . Turzo ajutamello a dire.

Tur. Via ch'è na cosa grossa;

Mò nnanze avea la toffa

La freve, la pontura; era atterrato

E mò nvedere a tene è sorzetato.

Jac. Ehe singhe beneditto.

Tur. (Che te pare Cecè?) Cec. (Cōme li guitto?)

Cec. Agghiuftate no poco ssi capille

Conciate ssa corvatta; comme vaje?

Aspetta, lassate anmettè stò naso.

Tur. (Si Patrò, comme staje?) *infra de loro*

Jac. (Stò comm' a maccarone int' à lo caso)

Cec. Ah, ah, ah, ah,

Jac. Tu ride? Siè Cecella:

Vattenne Turzo.

Cec. (Ncoccia)

*a Tur.*

Jac. Sienteme na cosella

Tur. (Affa fà à mmene)

Jac. Cò chi ll'aje? à chi faje

Tanta gattefelippe?

Cec. A nullo.

*e secotejano a fà geste*

Jac. N' autà vota?

*a Cec.*

Tu quanno malejorno te l'allippe?

*a Tur.*

Cec. (Miettet' a sso pontone)

*a Tur.*

Tur. Mò nce ne jammo.

Jac. Ceccia. . . . .

Cec. Ah! ca mme fà morire?

Jac. Chi?

Cec. Chillo che mo tengo nnant' all' uocchiè

Jac. E chi vò esse? io

Di parlà muffo-bello;

Chillo

Chillo a chi tu vuò bene è Jacov' Aniello ?

*Cec.* Non faccio *Jac.* No lo fsaje ?

Ma lo vide ? *Turzo s'annasce*

*Cec.* Gnornone .

*Jac.* ( Bonora ncatarattela ) lo siente ?

*Cec.* No lo sento.

*Jac.* ( O mmalora

Nzordiscela porzine ) e che si sorda ?

Cecia non mme tenere, cchiù a la corda :

*Cec.* Mò lo vedo. *Turzo se fà vedere*

*Jac.* Sia laudato lo Cielo .

*Cec.* Mò no lo vedo cchiù. *Turzo s'annasconde*

*Jac.* Mò no lo vide cchiù ?

*Tur.* ( Che sfazeione ! )

*Cec.* Mò lo sento .

*Jac.* Lo siente ?

*Cec.* Mò, no lo sento cchiune *Turzo ride da*

*Jac.* Ah Eccia mia *(parte)*

Che fusse juta tu porzi mpazzia ?

Mme siente, e non me siente

Me vide, e non me vide

M'addecie no tantillo, e pò m'accide :

Vuje auto non facite

Che scroccare e coffeja :

E da pò vennè redite

Justo commo faje tu mò

Ah Cecella bella mia

Commo n'aje de mè pietà ?

Si m'amasse te darria

Quanto tengo, e quando vuò :

S C E N A X I V .

*Turzo , e Cecella .*

*Tur.* **A** H, ah, ah, vi che pazzo !

Ogne ghinorno se purga , e piglia

Stà mpastato de pinole :

*(purvere)*

Hà cinc' ò seje rottoreje .

Porta nfì a dece nchiaffe , piglia agniente

Acque, sferuppe, e pò ched'è ? n'hà niente

*Cec. Ma .*

**Cec.** Ma tene li denare.

**Tur.** Si te fosse marito.

Te faciarria scialare

**Cec.** Leva comme si scuoncio !

**Tur.** O ca vui aute semmene

Sempe v'abbarrocate addò ne'è bagno

**Cec.** Ma cò minico non corre mò stà regola

Cà voglio bene a ttè , che staje semp'arzo .

**Tur.** Cecella già lo bedo

Chello , che staje pè mme, ma non te credo ;

**Cec.** Pecchè non me cride

Nè core de vrecchia ?

Non staje cà de Ceccia

Lo gioja si tù .

**Tur.** Nò cchiù ca mm'accide

Cecella nò cchiù

**Cec.** Vattenne , va , sgrato .

**Tur.** Vi ch' aggio abburcato

**Cec.** Da me che nne vuoje ?

Che pozzo fà chiù ;

**Tur.** Che lotano oje

Cecella nò cchiù

*Scompertura dell' Atto Primo*

**ATTO**

# A T T O I I

## SCENA PRIMMA

*Viola, e pò Celio.*

**Vi.** **O** Veccolo Si Celio :  
 Chisto troppo attorneammme sò addo-  
 Ca la rosa è pe mme. Semp ne'è folla : *ata,*)  
 A chella chianca, che ne'è carne bona !  
 Comme vene de ponta ! Ora mò sona, e  
**Cel.** Comme se trova lesta ssa vecchiarda  
 Quann' affomm' io da ccà :

**Vi.** ( Mò se nne vene )

**Cel.** ( Pretennarrà pur' essa  
 Co tutte ll' aute , ch' io le voglia bene :  
 Vide comme s'è posta nguarnascione ! )

**Vi.** ( Comme spereisce ! )

**Cel.** ( Brutto ma scarone ! )

Sia Viola , che nova ? ) **Vi.** Vuò ova ?

**Cel.** Mò accommienze a sentì sparo.

**Vi.** Nne vuò smautì no paro ?

**Cel.** Che sò fatto Polliero ?

**Vi.** Ll' anno fatto l' autriero ?

**Cel.** ( Abbesogna parlà da cchiù becino )

**Vi.** Comme te vuò magnà no violino ?

**Cel.** ( Fuorze se romparrà la catenella )

**Vi.** Vuò stroppejà no Masto de Cappella ?

**Cel.** ( Ah ah , non ne'è reparo )

**Vi.** E pò lo Gimmalaro ?

**Cel.** Oh ca tu siente stuorto.

*Strilla forte.*

**Vi.** E tu parla deritto

**Cel.** ( Nne la voglio abbiare

Pe parlà co Dianora )

Io creò, ca saje, ca st'arma mia t'adora, *forte*

**Vi.** ( Ch'aggio ditt'io ? , e mbè ? che buò da mene ?

S C E N A II.

*Dianora , e li stiffe.*

**Ner.** **V** Ideche bella cosa !  
 Puro co cheste carte

Se joca chisto li denare suoje?

*A* Va cercanno vitelle, e magna vuoje!

*Vio.* Ca te scicchè, e te stracce

Non pò essere.

*Nor.* Via

Fallo Viola pe ssa bella facce. *Nora, e Celio ri-*

*Vio.* Negra mè! Vuje redite! (dono)

Oje Si milordo arrojenato: oje schierchia?

*Nor.* Viche gioja.

*a Celio*

*Vio.* Sò Aloja?

*Cel.* Che bò chesta?

*a Nora*

*Vio.* Sò pesta?

*Nor.* Chisto parla pe figlieta.

*fortissimo*

*Vio.* Pe figliema! E che figliema

Fosse meglio de mene? Oje Pallonaro:

Arzura: Spacca, e pesa: Smagliatone.

*Nor.* Sò morta de la risa)

*Vio.* Nce sputarisse a chisto mascolone. *la facce*

No milordo Calavrese

*(soja.)*

(Ma che ommo de buon gusto!

Vasta dì, ch'è corimeo.)

Pe sto fusto, che te fà!

Li pariente a lo Paese

Song' Artiste,

Ma è reccone!

E lo scorza, che l'assiste

Lo Llostrissimo le dà.

E Ufsoria nce vò vottà?

S C E N A III.

*Turzo, Nora, e Celio.*

*Tur.* **S** Ia Nora curre, arriva

Ca lo patrone strilla comm' a cuotto,

Ca nò l'assiste, ca se sente male;

E faccio (ma teniteme segreto)

Ca pe despietto vuofo

Se vole ngaudejare co Cecella.

*Nor.* Si Celio a lo remmedejo

*Cel.* E' leso, siente Turzo

Tu abbuscate na varva  
E co lo farrajuolo  
E lo cappiello sujo,  
Fignite Jacov' Aniello :  
Io porto lo Notaro.

*Nor.* Che non canosca Gnorezio. *Cel.* Appunto:  
E ccà nnante a sta porta  
Farraje lo testamento, e lasarraje  
Tutte le robbe a Nora

*Tur.* Và bellissemu;  
(Ah, ah che bello mbruoglio, ch'aggio fatto  
Io co sta mmenzejone  
Le bozlio fa stà frische, a tutte quatto)

*Nor.* Mò saglio, e brosi è bero.

*Cel.* E' cchiù che bero.

S C E N A IV.

*Rina, e Celio.*

*Rin.* **O** H tè! Vèccott ccà iso Cavaliere!  
Si Celio mme m' allegro

Lo Si Orazio a sej' ora

Và a trovà la Sia Nora,

Io propio co ste rrecchie l'aggio ntiso .

*Cel.* (Chesta mme vole sempe nfracetare

Ma mò la chianto) siente ngannatrice

E' fauzo tutto chesto, che mme dice.

E Orazio, è l'arma toja.

*Rin.* Te nganne. . . . . *Cel.* Nò mme nganno

*Rin.* Pozza morire. . . *Cel.* E non si morta ancora?

*Rin.* Non è accossine; Io sò. . . *Cel.* Na tradetora.

S C E N A V.

*Rina sola.*

**V** Ide che robba ch'nce v'è vennenno  
Lo Si milordo: chisto è no pretesto,

Pe mme vottà; ma nò l'hà fatt'a furdo.

Hà da fà co na mosca

Ch'è poco d'aria; co no fusteciello

Che sape quanta para

Fanno tre buoje, lo voglio fa stà bello .

So cocciarda de retuorno

Nò

Nò mme calo a lo ciammiello;  
E co chi mme vene attuorno  
Saccio chello che mme fà.  
Chi ha lo rango a le manelle  
Nò le tengo manco mente  
Chi da me vò compremiente  
Ha da spenner' è stentà.

S C E N A VI.

*Celio, ch'è stato a sentire da dereto a lo Vico, e  
pò nora che scenne da la Casa.*

*Cel. V* I quanta nne sà di la Segnorella,  
Ma che nne voglio fà, scennesse nora,

Pe sapè si è lo vero

Quanto nc'hà ditto Turzo.

*Nor. Oh! Gnolezio*

E mpazzuto. *Cel. E lo vero*

*Nor. E nò poco de cchiù. Cel. Ch'aggio ditt'io?*

*Nor. Via mò datte da fare.*

*Cel. Nora staje mmano a Celio,*

Ch'è fatto a posta pe trammà sse machene.

*Nor. Sì nò grann'ommo, via, pè beveraggio*

Teccote sse ddoje doppie.

*Cel. Dice da vero? Nor. Via mò ched'è?*

*Cel. Ah ah ah ah, sipatelle cà Celio*

Tanto spenne lo juorno de Case.

*Nor. (Mò sferra lo squarcione)*

*Cel. A mmè doppie? Vuò vint'ò trenta polese*

Mille fide de Creddeito.....

*Nor. Chiano chià; che non siano sarvanguardie.*

*Cel. Sarvanguardie, gnorsi comme volite*

*Nor. Che ve site nfadato?*

*Cel. Gnorand, repassate a gusto vostro.*

Schitto vorrìa sapè da vuje, si Celio

Co lo tiempo hà da essere contento?

*Nor. E che sò Astrolecheffa.*

Cne sacco i'abbenì.

*Cel. (Semp'è la stessa!)*

Oh Dio, Nora, pecche me spriezze tanto?

*Nor.*



Nor. Ch' accossì mme pejace, e chest'è quanto.

Cel. Perche mme sdegnate  
Bell' uocchie perche?

Nor. Cà n'aggio piatate  
Ne amore pe tè.

Cel. Vuò proprio che mora?

Nor. Nò fidate a Nora

Cel. Ma senza sperà?

Nor. Si spera, chi sà.

Cel. Che pòzzo sperare  
Nfelice de me?

Nor. Chi pote sperare  
Nfelice non è.

Cel. Ma chesta speranza  
La morte mmè dà

Nor. Ma chesta speranza  
Te pò conzolà.

## S C E N A VII.

*Turzo, e Orazio, e po Nora.*

Tur. **P** Riesto si Arazio mio  
Và le scrive quarc'auta mmedecina.  
Nò nce sta la sia Rina  
Non serve a tenimente

*Orazio tenemente à la fenesta de Rina.*

Or. Chesta mme tene dint' a li trommiente

Rin. Oh te! lo Signor. ro (Nora.)

*Rina s'affaccia, e bede trasì Orazio a la casa de*

Cà vace a trovà Nora,

E pò a mmè bene a chiagnere

Co na facce piatosa:

Si mme vene pe nnante

Lo voglio fà stà frisco comm' a Rosa.

## S C E N A VIII.

*Turzo, e Cecella.*

Tur. **L** Assame dì a Cecella, cà lo Vicchio  
Se la vole sposare; e le promette  
Tutte le robbe soje.....

O.....a tiempo.... Sia Cecella li confiette.

*Cec.* Perché? ne' è quacche Zita?

*Tur.* Tu si effa.

*Cel.* Io? bravo. E lo Zito?

*Tur.* Lo Patrone

*Cec.* Tè mozzeca sto dito.

*Tur.* Accossì foss'io Prencepe

Comme tu sarraje sposa a lo Patrone

*Cec.* Ne? bella cosa. Jura?

*Tur.* Pe lo sole Leone!

*Cec.* (Nò lo creo, ma lo voglio fà arraggiare)

Non serve a coffejare.

Sì Turzo, sà; chi hà marito vecchio

Mme pare a mmene, cà la sape ntennere,

Ga pote a gusto fujo

Dire, fare, desfare, e dà a rentennere.

Senza Cecella toja,

Turzo, comm'aje da fà?

Ma già sò zita; Vh gioja!

Mme vao a mmaretà

Turzillo, addio.

Io mò te sò patrona

(Pare che nò le sona)

Te voglio commanna:

Viene mò ccà, và llà

(Che rifa, oh Dio!)

S C E N A IX.

*Turzo.*

**V**I quanto sà la gioja!

Nce vò paciènzia: tutte sse fegliole

Ll'anno pe naturale

De nce fè racchie, e cheffa

Starria pe racchieà nò tre bonale.

Nà bella fegliola

Co meza parola

T'accatta, e te venne,

E Turzo la sà.

E si tu pretienne

De fà lo Dottore;  
Cchiù rracchio, e pastore.  
Te fanno trovà.

S G E N A X.

*Jacov' Aniello co la lista de lo Spezeale mmano  
e Orazio co issò.*

Jac. **A** Ddonca nchisto mese  
Mme n'avarraggio scise ciêto pinole;  
Tridece vomimecative:

Trenta sceruppe, e binte sottrattive!

Potta de mene; de mmedecamiente

Creo ca spenno cchiù io, che nò spetale:

Or. Stà nfermetate vostra

E' la salute de lo Spezeale.

Jac. Accossì è; non voglio

Peglià proprio cchiù niente:

Ma fiente . . . . .

Or. Tu mme vuoje nzallanire?

S G E N A XI.

*Cecella da la casa, Turzo pè strata, e' li stiffe.*

Cec. **O** H tè! lo vecchio, voglio stà a sentire  
Che diceno.

Tur. Cecella?

Cec. ( Zitto, stammo a sentì . )

Tur. ( Siente ca è bella . )

Or. E battenne ( a Iac. )

Iac. Mme voglio renforzare

Or. Pecche? t' aje da nzorare?

Iac. Certo.

Ma saje la Sposa?

*Jacov. mostra la casa de Rina, ma parla pe Cec-  
cella, e Orazio crede ca parla pe Rina.*

Or. Và nnevina.

Iac. E che sta lloco

Cec. ( Ammiene ! )

Or. ( Oh potta! è Rina ! )

Siente marito mio . . . . .

*Jac.* Ch'aje ditto?

*Vio.* Vao peglianno confedenzea

Già ch'io t'aggio da essere mogliere .

*Jac.* A' chi mo?

*Vio.* A' ttene .

*Jac.* ( Manco a nò Cavallo . )

*Vio.* Senza manco nò callo

Gnorsì pià se nce ntenne .

*Jac.* Ah, ah, ah, ah, ( pe mme fà sentire

Min'aggio da strangolare; e ch'esto e chello! )...

*Vio.* Comme? vuò strangolà nò Colonnello?

*Jac.* Gnora nò voglio mpennere n'Astiero .

*Vio.* Vennere nò Vrachiero?

*Jac.* ( Sò ghiute già le rrecchie )

*Vio.* A dece rrobbe vecchie?

*Jac.* Oh ! te venca na gliannola

Dinto a le rrecchie .

*Vio.* Comme?

*Jac.* E bà a de jafchence .

S C E N A XV.

*Cecella , e Viola .*

*Vio.* **O** Je muort'è bivo , casa derropata.

*Cec.* **O** Negra me sfortunata!

Gnora mia cò chill'aje?

*Vio.* Vì rà ll'aje! addove? *Cec.* Nò cò chi ll'aje?

*Vio.* Ll'aggio cò fsò vecchiumma .

*Cec.* Laffalo ire , che nce vuò avanzare?

Chill'è ommo . *Vio.* E pè cheffo

Lo voglio stengenare .

*Cec.* Che stengenà , cà lloro

Sempe vanho pe coppa .

*Vio.* A chi? vasta na femmena

A stroppejà no centenaro d'uommene .

La femmena è no maro

Che mmaro , chi nce pesca

Ca perde l'amo , e l'esca ,

T la cannuccia ,

Chel-

Chella, che manco sape  
Te faciarrà magnà  
Li Vruoccole de rape  
Pè Cappuccia :

S C E N A XVI.

*Cecella, Celio, e Jacov' Aniello, po Turzo.*

**Cec.** **P** Arla propio da vecchia. . .  
Oh! Jacov' Aniello, voglio stà a senti re)

**Jac.** Vide che guaje è chisto.

**Cel.** (Ccà stace Jacov' Aniello,  
Io mò le voglio dire cà stà tristo)

Si Jacov' Aniello schiavo.

**Jac.** Servetore.

**Cel.** Staje de male colore.

**Jac.** Stè de male colore?

**Cel.** Tu mò muore.

**Jac.** Mo moro? Turzo Turzo. (forte :

**Tur.** Segnò, Segnò.

**Jac.** Và chiammame lo miedeco

Và zompa, curre, priesto, cà già feto.

**Cel.** Statte lloco dereto, (chiano a 'l urzo ;

**Tur.** V'aggio ntiso.

**Jac.** Va rumpete lo cuollo fufs' acciso. (a Tur. for.

Vi ; tocca. (Celio le tocca lo puzo .

**Cel.** Và te corca.

**Jac.** Oh ! sfortunato.

S C E N A XVII.

*Cecella, e li stiffe.*

**Cec.** **S** I Iacov' Anie ; ch'è stato?

**Jac.** Cecella mia sò ghiuto!

Vide fimme può dare quarc'ajuto :

Mme sento na cosa.

**Cec.** Addove?

**Jac.** Non faccio.

**Cec.** E' fuorz'a lo vraccio?

**Jac.** Nò vocc' amorosa.

**Cec.** E' ncapo?

**Jac.** Nù, manco.

**Cec.** E' doglia de scianco ?  
**Jac.** Nò bella Vocchella.  
**Cec.** E' doglia de core ?  
**Jac.** De core , Gnorsì .  
 Morzillo appontuto  
 Sò muorto , sò ghiuto ;  
**C'ec.** Ah ! nò ninno mio  
 Ca Ceccia mò more .  
**Jac.** Non chiagnere oh Dio...?  
**Cec.** Staje meglio ?  
**Jac.** Gnorsì .

## S C E N A XVIII.

*Celio solo .*

**S** Tò vecchio proprio è quanto  
 Se pò senti ; ma la nepote , oh Dio !  
 E' lo tormento mio ;  
 Effa pò fà la sciorte  
 De Celio bona , e trista ;  
 Cà e ffa mme da vita , e mme da morte ,  
 Lo Vasciello mmiezo mare  
 Da na refola de viento ,  
 Gran confuorto ,  
 E gran spaviento  
 Pò temere , e jò sperà ;  
**Cà** si vò lo pò portare  
 A lo puorto  
 A farvamiento ,  
 E si nò lo pò scafsà :

## S C E N A IX.

*Nora , Turzo vestuto cò lo mostaccio , cappiello e  
 sarrajuolo de lo patrone , e Celio che torna .*

**Nor.** **C**elio , Celio , addò vaje ?

**Cel.** **A** ! chiammà lo notaro .

**Nor.** Turzo lo vè ?

**Tur.** Vorria sapè chi paro ?

**Cel.** Mme pare speccicato Iacov'Aniello :  
 Che fà isso ?

**Tur.** E corcato .

Gà stà male .

Nor. Pè chesso

Ste mbrogli e soje nn'hà zampolejato ,  
Caccia le fegge cò la tavoletta .

Tur. E' lesto .

Cel. Tu mo saje comm'aje da fare ?

Nor. A mmè tutte le robbe aje da lassare .

Tur. ( Co lo figlio de Nufrio )

Nor. Orsù Addio sacce fà .

(a Celio)

Cel. Te nne vuò ire ?

Nor. Che buò che lassa sulo chillo ncoppa ?

Cel. Aje raggione : recordate

Però de Celio , ca nce canoscimmo .

Nor. Vuò dicere ca io

Sò pazza .

Cel. Cierto .

Nor. Tutte accossì simmo :

Cel. Le femmene però .

Nor. Femmene , e Uommene :

Cel. Eh ! si lè ppazze jessero

Vestute janche ; Nora

Cierto ca pararra , na bella papara :

Nor. E si li pazze jessero

Vestute nigre ; Celio

Cierto cà pararra nò bello Cuorvo .

Cel. Aggiuorto ; mme ll'aje saputa rennere :

Ma di ; pò maje sperà chell'arma mia

Da te na contentezza .

Nor. Oh ! che pazzia !

Ame ?

Cel. Gnorsì .

Nor. T'aje da magnà la rezza ;

Sempe chi port'affetto ,

Fedele , o sia infedele ,

N'hà da provà dell'istto ;

Ch'Ammor'è no crudele

Non se pò sopportà .

Vejato chi pò stare

Senza volere bene;  
Perche non pò scialare  
Chi stà fra le Catene,  
E senza libertà.

S C E N A XX.

*Turzo, li sfisse, e lo Notaro.*

**Tur.** **C** Hiano, addò jate, vecco lo Notaro

**Nor.** **C** Addov'è? **Tur.** Chist'è isso

*a lo Notaro che l'ha levato lo Cappiello.*

**Cel.** Schiavo patrone mio.

**Nor.** (Negra me, chisto pare Varvadoro.)

**Cel.** Se feda: chisto è losì Jacov'Aniello

Meza Capo, che bò fà testamento.

E chesta è la Nepote, La sia Nora.

**Nor.** (Chi sà fò locco si nne sape ascire)

**Cel.** Ll'aggio nfrucecat'io)

**Nor.** (Stamm' a sentire)

**Tur.** Io sì Jacov'Aniello Mezacapo

Lascio in primis a Nora mia Nepote

Per sua porzeione, e Dote,

Li figlie de Cocina,

Nò urasiero de rainma con paletta

Na cascia, quatto segge con boffetta.

**Nor.** (Turzo fassè mpazzuto)

**Tur.** (Zitto lassa fà a patreto)

**Cel.** (Ora vide, forfante)

**Tur.** Cò cincociento scute de contante.

Và buono. **Nor.** (Ghest'è poco)

**Tur.** (Si non te staje a pasto mò revoco)

Lasso, a Cecella mierolo

Pur che si sposi lo sì Turzo Masaro

Ducati mille. **Cel.** Oh! chesto....

**Tur.** (Cà mò vene lo buono)

A Turzo per avermi ben servito

Nella mia malatia

Tutto il restante della robba mia,

**Cel.** Ah frabutto **Tur.** Nò statte sì Notaro.



## S C E N A XXI.

*Iacov' Aniello, e li stiffe.***Jac.** **T**urzo, Turzo? Dianora**Nor.** Vh! sfortunata mene!

Celio st' attiento lloco.

**Cel.** Gomme, sò cose chesse?**Tur.** E che bolite?**Iac.** Se pò sapere addò mmalora site?**Tur.** Mò esce sà. **Cel.** Tu videte

Co isso li guaje tuoje.

**Tur.** Voglio firmare**Ia.** Responnite canaglia**Tur.** Lassa ccà, o te sdellommo!**Iac.** Oh male juorno scornale.

## S C E N A XXII.

*Viola, e li stiffe.***Vio.** **C**H' è stato?**Iac.** Oh bene mio, mò s' ca sò atterrato  
Damme ccà sto bastone.Chisto lloco chi è? **Tur.** No robbe vecchie.**Vio.** Chiano nò nte nfadare**Tur.** (Chist'è ho mareiuolo.

Ch'arrobato t'avea sto farraiuolo

**Iac.** Mareiuolo! ah briccone . . . .**Vio.** Dice ca è Notaro?**Iac.** Che Notaro? **Tur.** Menate lo bastone.**Iac.** Mareiuolo, lazzarone**Vio.** Via fornisce Iacov' Aniello.**Tur.** Dalle, dalle si patrone.**Iac.** Io nne voglio fà maciello.**Tur.** Vh la varra!**Iac.** Tiene tiene**Vio.** Và a mmalora.**Tur.** Viene viene

Ca te voglio addecreià.

**Iac.** Levà lassame passà.**Vio.** Fuie sfratta mo da ccà.

# ATTO III.

SCENA I.

*Viola, Rina, e pò Celio.*

**Vio.** **D** Onca non vuoje cchiù Arazio?

**Rin.** Gnoranone:

**Vio.** Nò lo volere: E chi vorrìsse?

**Rin.** Celio.

**Vio.** E pecche? ca è cchiù bello?

**Rin.** Nò n'è chësto; e cà è cchiù freccecariello.

**Vio.** Freccecariello ne? Presentolazza!

(Lo vò freccecariello la fegliola!)

**Cel.** Bonmespre fia Viola

**Rin.** Vide cà si chiammata

**Vio.** Sò scognata?

**Rin.** Chiammata.

**Vio.** Oh! addio si Celio

**Rin.** E' calluso.

**Vio.** E' Zelluso!

**Rin.** (Ih negramene?)

**Cel.** Che se fà; che se fà, che nc'è de nuovo?

**Vio.** Ch'hà ditto? ca vò n'uovo *chiano a Rin.*

**Rin.** Dice che nc'è de nuovo

**Vio.** A, de nuovo, gnorsì, na cosa bella

La vide cheffa.

**Rin.** Ah Mamma

Non nce lo dire, ca mme faje fa roffa

**Cel.** Mme vò?

**Vio.** Gnorfine.

**Cel.** E chi non hà stà toffa:

SCENA II.

*Nora a lo barcone, e li stiffe.*

**Nor.** **O** H che bella unejone!

**Vio.** Vuò mette nora cò sto mascolone!

**Nor.** (A mè cò ste scarole!

Te voglio fa pentì de ste parole. *trase*

**Cel.** Nò; te prometto de pegliaremella. *a Vio.*

**Rin.** Io non vorria, Sj Celio

Che stà mpromessa fosse

*Mpro-*

Mpromessa a la milorda .

*Cel.* E comme ?

*Rin.* Li milorde

Te teneno a la corda

Quatto cinc' ò seje mise .

Cò mpromesse de truono ;

Pò hò le ponno attennere ,

E nò le bide cchiù .

*Cel.* Fanno affaje buono .

D' Ammore à lo mestiero

Chest' è la nova usanza :

Maje s' hà da dì lo vero !

Non s' hà d' avè costanza !

Fede non s' hà d' avè !

Prommetter' e n' attennere ,

Fegner' e da à rentennere

Sò frate

Affecurate

Pe ghiognere a gaudè .

### S C E N A III.

*Viola , e Rina .*

*Vio.* **C** He rettoréca, ch'ave lo figliulo

*Rin.* Oh' è tristo: mà che mporta , e bello

*Vio.* Già, già, già; tutte vuie cossi decite (giovane.

Ma pò sò bello giovane

Se joca quant'avite ;

Piglia quacch' ammecizeja

Addò nce more cieffo ,

Te reventa de mazze ;

E si tu parle , nce si accisa appriessò .

*Rin.* Chesto succede a chi non hà pruder

A chi non sape fegnere: Li giuv

Vonn' esse accarezzate, Mam

Ne bonn'esse tenute ngelosi na mia !

Si è mpertenente

*Lu Mariottello*

**Che?** n'

è niente :

Cà quann' è bello ,  
 Quann' è robusto ,  
 Quann' è smargiaffo !  
 A Ma ! che spaffo !  
 Che gusto !  
 Nc' è .

Tanta carizze ,  
 Tanta fenizze ,  
 Ll'aggio da fare ,  
 Che mm' hà d' ammare ;  
 Ma cò n' ammore ,  
 Che schitto ncore  
 Rina hà d' avè .

## S C E N A I V.

*Nora , Turzo , Viola*

*Nor.* ( **E** Ceola llà faccé portà la cosa )

*Tur.* ( **E** Lassa fà à mmè )

*Vio.* Bonora . . . oh ! addio ! Sia Nora

*Nor.* T'aggio da dà na nova de Ciardino ;

*Vio.* Ed è ?

*Nor.* Siente, e pazzeji :

Nò Si Conte Spagnuolo

T' hà bisto à la fenesta

E ncappat' à lo bisco :

Non è lo vero , Turzo ?

*Tur.* Atta de mene .

*Nor.* Viene ccà parla tti , si mme vtdò bene ?

*Tur.* M'addemmannaje à mmene uscia, chi era ?

Io le dette à rentennere

( Ch'jerevo na Signora Sciorentina ,

E 'llo responnette ,

Yo ta quiero sposar pè craje matina

*Vio.* Ora v'ì lo dejaschenee !

*Nor.* Nò nce verdere tiempo ,

Abbuscato na scuffia , e nò vestito .

*Tur.* Mme pare e le quaglia ,

*Vio.* Non hà manco na gran botta

*Nor.* Dice , ch' aje fatto

*Vio.* Cier-

*Vio.* Cierito,

Ma lo parlare pò, comme facimmo?

*Tur.* Abbaſta, che co quatto linee, e ſquince  
Nce mmilche nò O hoi; ca sì arreſata.

*Vio.* Si e chëſto Turzo mio ll'aggio ncarrata,

Quanno pò mme vedarranno

Li Spagnuole, mme derranno

A Dìos linda mucciaccina;

Ed io leſta le reſponno,

O, hò, hoi ſon Sciorentina:

Che te pare? nce l'attonno?

Vì che bernia mme faje, fà.

Co lo buſto, e cò la coda,

Co li quant' e lo ventaglio,

Co la ſcuſſeja a la moda,

Oh che bello paſſagaglio

Co ſto contè nce farrà.

S C E N A V.

*Nora, e Turzo.*

*Nor.* C Omme ſe ll' ave ſceſa bene mio!

*Tur.* Ah, ah, ah, ah, comme ne fà contenta;

Io faccio dà ſpagnuolo

Da quinnece parole

Che mme mparaje, quanno

Servette chillo Colonnello.

*Nor.* O bravo.

Và tù mò addò D. Peppo

Da parte mia, e fatte

Mpreſtà chillo veſtito.

*Tur.* Gnorsi mò zompo.

*Nor.* Turzo fà polito.

*Tur.* Laſſateve ſervì, da chiſto fuſto

Ca ne'avarrite guſto

Sia Nora nmeretà

Nnè ſaparraggio aſcì da ſt'arrauoglio,

Dormite, ca ve voglio

Fa rider'e goſtà.

*Nor.* Mme voglio peglià guſto, co ſta vecchia

E co ſi Signorielle

Or

Or. Ben trovata, Sia Nora

Nor. (Oh! a tempo) molto serva de Vfforia

(Passeggiammonce chisto)

Or. Io ... siente... vorria di, ma mme vergognò

Nor. No, di, di?

Or. Dico . . . . dico . . . . (gno.

Nor. Che quanto piace al mondo è un breve so

Or. Nò, catu non aje tanto de fermezza;

Ca si bannariola

Propio de Campanaro . . . . .

Nor. Tempo non mi pareva da far riparo

Contro i Colpi d'Amor.

Or. Vota ca s'arde :

Peo co mimico nce vole

Che te dò arecchia ; mà . . . .

Nor. Ma il vento se ne porta le parole;

Non aggio a sto core

Nè idigno, nè ammore

E sò co le gente

Cossi ndesse ente ,

Che nullo vantare

Se pote de mè.

Non dò ne prometto

Parola, nè affetto ,

Desprezzo legale

Non voglio regale

E chi le bò fare,

Se nganna si affe.

# S C E N A VI.

*Orazio, Turzo e pò Iacov' Aniello co lo testamento mmano.*

Or. **A** Vh! Nora, vide quanta mme nne faie!

Tur. **A** Si Arazio nrio che d'è, che passe guaje;

Or. Co la patrona toja ;

Ah le poteffe fare no despietto.

Tur. O te! appunto lo aio;

Mettimmonce a sentire

Si tè vuò vennecà,

Or.

Or: Chello vogl' io .

Jac. Chiss' è n' aoto arravuoglio !

52

Io aggio fatto mò sso testamento ?

Io ? ed aggio lassato

Le rrobbe meje a Turzo ? e cot. pejo

Che se ngaudia Cecella ! Oh sfortunato !

legge . *A Turzo per avermi ben servito*

*Lascio lo riesto della rrobba mia .*

Maje tale cosa : ahimme cà vao mpazzia

Or. Si Iacov' Aniello mio,

Vide cà lo Notaro, ch' aje chiammato

Pè fà sso testamento ,

Vò essere pagato .

Iac. (Chest'è cchiù cauda sà!) quà testamento ?

Or. Chisso, che tiene mmano .

Iac. E che ll' aggio fatt' io ?

Or. Nò, ll' aggio fatto io : tu ll' aje fermato .

Iac. Addove ? Or. Ccà mò nante .

Iac. Ammè ?

Or. Nò, ammene . Attè; fusse mpazzuto ?

Iac. Tu che mmalanno dice !

Or. Via, via :

Si scurzo, ca t'è data.

Nca po la malatia .

Nò nc' è remmedejo nò

Può fà chello, che buò

Ca si spedito .

Aggio de te piatà ;

Ma che nce pozzo fà ;

Si già si ghiuto .

S C E N A VIII.

*Jacov' Aniello, Turzo, e pò Cecella .*

Iac. **A** Ccosì è, so ghiuto .

Tur. Si Patrone,

Obbreccato a Ufforia

Cà mm' avite lassato ntestamento

Tutte le rrobbe voste :

Io nò mmereto cierto de gaudere

Tanta

Tanta fortune, e massema  
Chella, d'avè Cecella pè moglie:   
Ve nne vaso le mmano

*Cec.* Ed io porzine  
Si Iacov' Aniello mio caro, carillo;  
Ca mm'aje lassata ricca,  
E moglie a Turzillo

*Iac.* (Chesto che bene a di?)

*Cec.* Dico, nuje quanno  
Nce mpossessammo de la massaria?  
Damme pe mò st' Aniello.

*Tur.* Ed a mme stò Cappiello,

*Iac.* Che bonora facite?

Porta ccà stò Cappiello

Và rumpete lo cuollo.

*Tur.* Vuò stà bello!

### S C E N A V I I I.

*Iacov' Aniello, e Cecella.*

*Iac.* **N**Enna mia, vi ca chesto non è bero

*Cec.* (O poveriello nh' aggio còpassejone  
Mò le scopro la mbrogia)

Siente, facce cà chesta, è nà mmenzejone;  
Che ll'anno fatta, pè te fà arraggiare.

*Iac.* Veramente Cecè?

*Cec.* Lo può stracciare.

*Iac.* Vi cà lo straccio.

*Cec.* Sine che te manca

Via straccialo.

*Iac.* O' Cecella!

Che te pozza vedè contenta, e ghianca?

Ma mò che stà mmenzione è ghiuta à mmitto  
Mme vuò esse moglie?

*Cec.* Sì, si mme duone chella massaria.

*Iac.* Faccio chello, che buoje bellezza mia.

Aggio a tè pe moglierella?

Già stò buono già stò sano:

Damme ccà sà bella mano,

(Comm'è cauda) Nenna bella



Laffamella maneja.

Che docezza, che dellietto!

Vh che fà sto core mpietto!

Tocca, vide, comme fà.

S C E N A IX.

*Cesella sola.*

**E'** Raro chillo Viècchio  
 Che non sia stravagante, e non sia pazzo  
 Ma che nne voglio fare.  
 Chisto voglio spennare  
 Nfì che pozzo, ca tene  
 Robb'assaje, che mme dare, e mme vò bene.  
 O sia viecchio, ò giovanniello:  
 O bizzarro, o sia n'Antuono:  
 Chill'è bello,  
 Chill'è buono  
 Ch' à cchiù bagno da jettà  
 Io, si mbè, ca sò fegliola  
 (Me vergogno de lo dire)  
 Songo asciuta già de scola.  
 Saccio chiagner' e sperire,  
 Saccio ridere, e gabbà.

S C E N A X.

*Turzo vestuto a la Milorda finto Conte Spagnuolo  
 e pò Viola vestuta a la Franzesa, fenta  
 Dama Sciorentina.*

**Tur.** **A** H, ah ah ah, vò esse corecosa,  
 Si non sò canosciuto da sà vecchia  
 O....Eccola....Sentimmo.

**Vio.** Sò Chiacchiare, ah ah, Viste Ceccone  
 Ca te pare barone, e troppo è bero:  
 Nigr' isso chillo scuro Caaliero  
 Creo ca mmedereme, subeto  
 L' afferrarrà nò panteco.

**Tur.** (Nnanze puozze morì cessa de subeto  
 Via dammo fuoco) **Vio.** Veccolo.

**Tur.** Buonas tardes signora, buonas tardes

**Vio.** (Te pozza corr'a pprietto) oh oh oh

Sò

Sò Sdamma Sciorentina.

*Tur.* Fiorentina? che linda mucciaccina?

*Vio.* (Te pozza stengenà: chisto mme pare  
Ch'ha lo moto parpetuo.)

*Tur.* (Se p. mettere ncopp' a n'arteficio.)

S C E N A XI.

*Cecella*, e li *stiffe*.

*Cec.* **O** H! ccà stanno l'ammece!

Io faccio comm'è ghiuta già la cosa.)

Sior Conte serva sua. Serva sia Sposa

*Vio.* (O bonora! Da dov'è sciuta chessa?)

*Cec.* Frabutto te canosco.

*a Turco.*

*Tur.* Zitto cà voglió scorcoglià stà pesta

*Vio.* Che novance portate?

*Tur.* Oh: novas hier ne venne unas felice.

*Vio.* Vuò venne la valice?

(Che arzura che hà sto Conte!)

Se vò vennere nfino a la Valice.

*Tur.* La Novella che corre,

Si è, cà li Tavane de Moscovias,

Unite cò las moschas de Cracovias,

Fanno guerra a los griglios de Segovias

*Cec.* a 2. Ah, ah, ah, ah,

*Tur.* Perche uffè ride?

*Vio.* Ca ccà ncè sò aute nove.

*Tur.* Verbirazeias.

*Vio.* à li funge de Genova

Se sò accocchiate cò li Maccarunes

De Napole, e se sciala a buonneccchiunes.

E ca lo gran Soltano

Con la sua gran potenza

Vole, che le Lusecche de Melano

Cedano a li fascioli de Sciorenza.

*Cec.* Che Sciorenza, e Melano? ccà se dice

Cà nà mmorra de Folleche d'Agnano,

Nemmore cò li Pinte de Cajevano,

Vol-vano assautare

Cierte poche mellunc de la Cerra,

Ma

Ma quanno stea, p' accommenzà la guerra,  
Li fenucchie d'Averza  
Co n' armata Navale,  
A tiempo sò arrevate  
E te ll'anno passate a fil de spate.

*Tur.* Ah, ah, ah, ah, ah questi sò pallunes

*Cec.* Sò frate a chille, ch'aje contate tunes.

*Tur.* Orsù dammo addò tene

Io creò ca Uffè mm'accetta pe marito

*Viol.* Vuò n'accetta a lo dito.

*Tur.* M'accetta pe marito

*Viol.* Mme lo prendo a doje desfre.

*Tur.* Uffè mme dia l'anello, ch'hà nel dito?

*Viol.* Patrone l'Ufforia.

*Cec.* (Mò te jancheo) *chiano a Turzo,*

*Tur.* (Zitto Ceccia mia)

*Vio.* Veccolo. *Tur.* Oh che truffa!

*Vio.* Hà na muffa? oh ohi come paliate?

*Tur.* Nò mas ca lei già sospirar mi fate.

Mia vitas, mio core

*a Vio.*

*Cec.* (Io mò te sbregogno)

*a Tur.*

*Tur.* (Ammafara)

*a Cec.*

*Cec.* (Muore)

*Vio.* Oh ohi mi vregogno!

*Cec.* Sacciate . . . . .

*a Vio.*

*Vio.* Che cosa?

*a Cec.*

*Cec.* Ca chisto . . . . .

*a Vio.*

*Tur.* M: E mofa

Andiamo a goder.

## S C E N A XII.

*Iacob' Aniello, che hà sentuto sto terzetto da  
parte, e pò tutte.*

*Jac.* **C** He bel Cavalier!

*Tur.* **C** (Oh honora!

*Jac.* Frabutto.

Levate sso mostaccio.

40  
Cec. Oh Turzo poveriello!

Vio. Ih! Turzo negramene!

S G E N A XIII.

Tutte.

Rin. C Hed'è sta mmenzejone?

Gel. C Hed'è Turzo vestuto a la milorda!

Or. E chella a la Franzesa!

a Cel.

Vio. Ma chi ha fatta sta posta?

Nar. Io, ch'è stato? ch'è stato?

Vio. Comme è stato crastato?

Jac. T'aje spassato no poco

Porzì co mmico co lo testamento.

Nar. Già Uscia m' hâ perdonato.

Vio. Damme l'Aniello mio.

Tur. Eccolo lloco.

Iac. E già che tutte ve pegliate gusto

Io porzì boglio addecreà sto fusto

Pigliannome Cecella pe mogliere.

Tur. (Oh bonora!)

Cec. Ma io

Voglio che tu m'addute

Co chesta massaria.

Nar. (Staje fresca!)

Iac. Te la dò bellezza mia!

Nar. E pe mmè, che nce resta?

Iac. Trovate lo marito

Ca la dote stà lesta,

Vio. Rina mia tu che faje.

Vì si ncè chi te vole,

E ascimmo da ssi guaje.

Cel. Mò è lo tiempo Sia Nora

Si mme vuò conzolare.

Nar. T' accetto

Jac. E io porzine a la bonora.

Or. Rina mia, ccà sò io,

Si Viola è contenta.

Rin. Sì lo mie.

Vio. Co ll'ora bona.

Tur.

**Tur.** Ahù Cecella ! E comme

Mm'aje potuto lassare !

**Cec.** Ponno cchiù che l'ammore li danare.

**Tur.** Aje ragione; Sia Damma Sciorentina

Non faccio che te dî; vâ te strascina.

**Vio.** Vattenne Frabuttone.

**Cel.** Comme staje Jacov'Aniello.

**Jac.** Stò buono ; ca lo mmale era apprenzejone.

**Tutte.** Che bello contiento

Che mpietto mme sento

Che sente sto core

Via jammo a gaudè.



**F I N E.**

